

Vom Vater vnser.

Verzeih vns Vater vnser schuldt/ Kyrieleison/ Vnd theil vns
mit dein Göttlich huldt/ Vater mein/ Erbarm dich vnser auff Er-
den/ Das wir deine liebe Kinder werden.

Als wir vnsern Schuldigern thun/ Kyrieleison/ Laß vns nit
in versuchung stahn/ Vater mein/ Erbarm dich vnser auff Erden/
Das wir deine liebe Kinder werden.

Dein ist das Reich vnd die Krafft/ Kyrieleison/ Die Herrlig-
keit vnd alle macht/ Vater mein / Erbarm dich vnser auff Erden/
Das wir deine liebe Kinder werden.

Gebet.

Almechtiger ewiger Gott/ der du durch deinen Son/
vergebung der Sünden / Gerechtigkeit vnd ewiges
Leben vns hast verheissen/ Wir bitten dich / du wol-
lest durch deinen heiligen Geist vnserer Herzen erwecken
vnd führen / das wir solche hülffe durch tegliches
Gebet/ vnd sonderlich in aller anfechtung/ bey jm suchen/
vnd durch einen rechten festen Glauben auff sein Wort
vnd Zusagung gewis finden vnd erlangen / Durch den-
selben deinen Sohn vnsern HERRN IESUM CHRISTUM /
der mit dir vnd dem heiligen Geiste lebet vnd
regiret in ewigkeit/
Amen.

Ein